



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

5. Fundamentum Immutabile. Immobile. incorruptibile.

[urn:nbn:de:hbz:466:1-46065](#)

ARTICULUS IV.

*Fundamentum in solido locatum, robatur, aquâ, vento,
tempestatibus.*

HAUD secus Fides, quâ Fundamentum, solidatur magis magisque ærumnis & calamitatibus. Id insinuat Paulus Apostolus, secundæ ad Thessalonicenses I. Cap. *Gratias, inquiens, agere debemus semper Deo pro nobis, fratribus, ita, ut dignum est, quoniam supercrescit fides vestra.* Quod exponens S. Chrysostomus. Tunc ait, *Fides augetur & crescit, cum rebus adversis molestisq; tentatur. Quando venti irruunt, rumpunt imbres, vndique attollitur gravis tempestas, crebris & densis sunt fluctus, sed nos non labimur, nec vacillamus, nullius alterius est judicium, quam quod creverit, & super creverit, altius que facta sit fides nostra.* Adverte autem, Paulum non dixisse, quod crescat, sed supercrescat fides: id est, maximum sumperit incrementum. Græce est ὅπερα γένεται, hoc est, valde, & supremum augēscit fides vestra.

ARTICVLVS V.

Fundamentum immutabile.

QUAMVIS parietes, fenestræ, tectum aliæque partes in unâ aliqua domo mutari possint, Fundamentum tamen manet immutabile, & incorruptum: nam mutetur aut mutetur, dominus collabescit. Haud secus Fides, quia Fundamentum, persistit omnino immutabilis; quamvis mutentur religionis, pro temporum diversitate, leges, ceremoniæ, ritus, judicia, & quæ per Theologos, salva religionis substantia, sunt controver-

vera. Ratio est: quoniam Fides nimitur illo, qui verissime dicit: *Ego Deus & non mutor.* Malachia tertio. Praeclarè Tertullianus. (a) Regula quidem fidei una omnino est, sola immobilis, & irreformabilis. Hac lege fidei manente, certa jam disciplina, & conuersationis admittunt novitatem correctionis. Quamobrem S. Hieronymus (b) vocat Fidem, hæreditatem incorruptam scribens ad Damasum Pontificem. Augustinus quoque (c) Sit, inquit, una fides universa, quæ ubique dilatatur Ecclesie, tanquam intus in membris etiam ipsis fidei unitas; & quibusdam diversis observationibus celebretur: quibus nullo modo, quod in fide verum est, impeditur. Quare Agatho Papa ita sanctum reliquit in Synodo Romana: (d) Execratur vera confessio pietatis, juxta diversitates temporum variam fidem, sicut nec ipse veritatem variari admitit, de quo est ipsa vera confessio, qui dicit: *Ego sum & non sum mutatus.*

ITAQUE, Dilecti, cui est in animo, Virtutum in se fabricam erigere, de Fundamento serio cogitet quod est FIDES, prima pars divini Palatii, ceterarum stabilimentum, oculis, quoad intima, mortalium subducta, sed Deo conspicua. Hæc est illa virtus, sine qua, ut inquit Leo Papa, nihil sanctum, nihil castum, nihil unum. Sine qua nemo ad filiorum Dei consortium potest pervenire, ut monet Augustinus. (e) Per quam docet Apostolus justorum antiquissimum Abel plurimam Deo hostiam obtulisse, Noe arcam aptasse, Abrahamum obedivisse, filiumque immolare voluisse, Mosen magis elegisse affligi cum populo Dei, quam temporalis peccati habere jucunditatem: Raab exploratores excepisse, Gedeonem, Barach, Sampsonem, lepthe, Samuelem, Prophetas alios, vivisse regna, operatos justitiam, adeptos repromissiones

V 3 nemis

(a) lib. de Veland. Virg. (b) S. Hieron. epist. 86. (c) S. Aug. epist. ad Casula. (d) Sexta Synodo actio. 4. (e) S. Leo Serm. de Nat. (f) Serm. 38. de Temp.